

雜病源流犀燭

沈氏尊生書卷三

雜病源流犀燭

臟腑門

大腸病源流

大腸經

臟腑門

沈金鰲撰

手陽明大腸脉起于次指內側之端循指上廉出虎口兩
骨之間上入手背外側兩筋陷中循臂上廉入肘外廉行
臑外前廉上肩出髃骨前廉上出于柱骨之會上下入缺
盆絡肺下膈屬大腸其支者從俠盆上頸貫頰入下齒通
出挾口交人中左之右右之左上挾鼻孔次注足陽明胃經
每卵時氣血俱注大腸手陽明大腸經血氣俱盛

爲胃化物之器惟大腸耳故經曰大腸者傳道之官變化出焉其
經與足陽明相接故亦謂手陽明也是固爲陽明胃所器使止屬
供役動用之物其腑無靈亦非當陽之用豈謂其能有陽明之職
事乎又以營氣之隧道與肺相接故經絡得與肺爲表裏豈謂其
能與肺爲互用乎經又曰脾胃大小腸三焦膀胱者倉廩之本營
之居也名曰器能化糟粕轉味而以爲出入者也是皆至陰之類

通乎土氣則經固指大腸等爲陰矣。以其爲陽者不過以臟腑之
內外言之。以臟居內故爲陰。腑居外故爲陽耳。然則以臟內腑外
而分陰陽。只以地分爲分別。使人曉然於臟腑之有異。若經以爲
至陰之類。則就其職任言之。以陽爲主。而陰爲從。大腸等皆效
用。于陽明胃。故其寔爲陰也。固知讀書者。當不以詞害志矣。乃王氏
叔和。必以其脉定爲陽。在寸口肺脉上。羅氏澹生。又必以肺在上
爲陽。主諸關前。主秋令。而謂不可以大腸當之。且以脉經並無脉
狀。而謂知其無加于肺脉之浮濇。夫大腸所由隧道。旣與肺相接。
而與肺爲表裏。則其營氣相通。而肺脉旣浮濇。大腸脉亦因相通
而無異也。且天下惟靈者能自主。大腸之膽旣無靈。其何能自主。
而別爲脉狀乎。其無加于肺脉之浮濇亦宜矣。故叔和脉訣誠屬
僞撰。而多穿鑿。澹生詆之。而其說亦未甚圓靈也。要之大腸所由

之隧道。雖與肺相屬而爲表裏。大腸之絡寔與陽明胃接經。故其病亦與胃同。與肺無涉。卽經絡自病。延及於肺。亦止在經絡。不與傷寒之傳經必及於臟腑相似也。故大腸寔則病耳。後肩髃肘臂外皆痛。臍腹或腹脹不通。氣滿。皮膚堅硬。鞭腸風下血。宜瀉若虛。白散。則耳鳴耳聾。虛熱。或便閉不通。或腹痛而洩利。腸鳴脫肛。宜寔然。鴉散。則大腸之爲器亦槩可見矣。

大小腸連系 入門曰。大小腸之系。自臍下與脊脊連。心腎膀胱相系。脂膜筋絡散布包裹。然各分紋理。羅絡大小腸與膀胱其細脉之中。乃氣血津液流走之道也。

大腸外候 靈樞曰。鼻隧以長。以候大腸。又曰。肺主皮。皮厚大腸厚。皮薄大腸薄。皮緩腹大者大腸大。而長。皮急者大腸急。而短。皮滑者大腸直。皮肉不相離者大腸結。又曰。天樞以下至

橫骨長六寸半。過則迴腸廣大。不滿則狹短。

大腸病症。靈樞曰。大腸病者。腸中切痛而鳴濯濯。冬日重感於寒。卽泄。當臍而痛。不能久立。又曰。腸中寒。則腸鳴飧泄。腸中熱。則出黃如糜。素問曰。腸痺者。數飲而出不得。中氣喘急。時發飧洩。仲景曰。大腸有寒。多鶩溏。有熱。使腸垢。入門曰。腸虛則鳴。又寒氣相搏。則爲腸鳴。靈樞曰。胃惡熱而喜清冷。大腸惡清冷而喜熱。兩者不和。調之以飲食衣服。寒溫中適。乃不致邪僻也。

大腸絕候。脉經曰。大腸絕不治。何以知之。泄利無度。知絕則死矣。

大腸癰。因七情飲食。或經行產後。瘀血留積。以致大腸寔火堅熱。所生病也。經云。關元穴屬小腸。天樞穴屬大腸。丹田穴屬三焦。其

穴分隱痛者爲疽。上肉微起者爲癰。是古人之分大小腸瘻。只以發現于本部位者名之。而其爲病則相似。故古人之書。槩曰腸瘻也。仲景云。腸瘻爲病。小腹腫而強。按之則痛。小便數似淋。時時汗出。發熱而復惡寒。身皮甲錯。腹皮急如腫狀。甚者腹脹。大轉側有水聲。或達臍生瘡。膿從瘡出。或有出臍者。惟大便下膿血者自愈。仲景之言。雖統大小腸瘻皆然。其中有當分辨者。如小便數似淋。惟小腸瘻有之。大便下膿血。則又大腸瘻。症居多。蓋小腸瘻。竟有膿血從小便中出者。若大腸瘻。膿血斷無出自小便者也。其致病之由。總因濕毒鬱積腸內。却又有寒熱之分。其腹皮急。按之濡。身不熱者。乃陰寒所成。宜牡丹散內托其小腹痞堅。按之痛。身發熱者。廼結熱所成。宜大黃牡丹湯黃黑散固不可不辨也。然所謂寒。要是濕邪寒冷之氣蘊結。所謂熱。亦是濕邪鬱熱之氣淹留耳。而其治之之

方當分先後。或脉遲緊則膿尚未成。急解毒使無內攻。兼須止痛。
宜通腸飲。或大黃湯下之。或脉滑數則膿已成。以下膿為主。宜太乙膏或脉洪數小
腹疼。脉濇則為膿滯。以宣通為要。宜牡丹散或腹滿痛時時下膿。則由
元虛當於下膿藥中兼補益。宜丹皮散或潰後疼痛過甚淋瀝不已。則
為氣血大虧。須用峻補。宜參芪地黃湯而其尤要者。凡患大小腸瘻。切不
可使病人着驚。驚則腸斷而死。坐卧轉側皆宜徐緩。嘗少進稀粥。
靜養調攝飲食。不可過飽。庶可保生。

脉法 仲景曰。跌陽脉滑而數。知當尿膿也。脉經曰。腸瘻之

脉滑而數。滑則為寔。數則為熱。滑則為榮。數則為衛。衛數下降。
榮滑上升。榮衛相干。血為敗濁。脉訣曰。腸瘻難知。脉滑可推。
數而下熱。腸瘻何疑。遲緊未膿。下以平之。洪數膿成。不下為宜。

叔和云。關內逢乳腸裏瘻。

腸癰症治 丹溪曰。腸癰。大腸有積熱。死血流注。宜桃仁承氣

湯加秦艽連翹下之。瘍科選粹曰。腸癰。小腹堅腫。按之則痛。

肉色如鼓。或亦微腫。小便如淋。汗出憎寒。其脉遲緊。膿未成者。

急服大黃湯神效。其腹中痛。煩躁不安。或腹脹不食。小便澀者。

薏苡仁湯。瘀血腸癰。小腹硬痛者。四物延胡湯。小腹脹。脉滑數。

或裏急後重。時時下血者。排膿散。

腸癰不治症 瘍科選粹曰。大便或臍間出膿者。不治。

臟毒。專由大腸血熱。或平素喜食辛燥煎燂之物。而成病也。生在

肛門內。大腸盡處。往往潰爛。至肛門外。治法大約與腸癰相仿。而

主藥必以忍冬。籐麥冬為主。并多加地榆蒲黃。庶乎有瘳。

治大腸病諸藥要品及方二

大腸寔宜涼血清熱

生地 桃仁

黃連 黃芩

槐花 石膏

大黃 知母

枳殼 芒硝

大腸

大腸癰

臟毒

卷三

四

檳榔 地榆 生甘草 白芍 葛根
防風 荊芥 炒紅曲 蒲黃 麻仁
猪胆汁 側柏葉 郁李仁 白頭翁

大腸虛宜補氣生津

人參 黃芪 麥冬 白芍 蜂蜜
炙甘草 芝麻 麻仁 天冬 生地

當歸 盧會 白朮 升麻 蓮子
吳茱萸 肉果 木瓜 扁豆 葛穀

柴胡 肉苁蓉 黃柏 防風 連喬 五味

瀉白散

大腸寔 生地二錢 赤苓 芒硝各一錢
陳皮 竹茹 山梔 黃芩 黃柏各五分

姜三片 棗二枚

寔腸散

大腸虛 厚朴 肉果 訶子皮 砂仁 陳
皮 蒼朮 赤苓 各一錢 木香 炙甘草各五

分 姜三 棗二

附載仲景分別標本方藥

標 石膏 葛根

本 槐花 白芍 麻仁

治腸瘕方十三

通腸飲

未成忍冬藤 歸尾 白芷 皂角刺 乳香 沒藥 甘草 苡仁 花粉 或用礬一兩黃占一兩為丸大炒

大黃湯

又大黃 朴硝各一錢 丹皮 白芥子 桃仁各二錢 空心溫服下後以參芪補之

太乙膏丸

已成元參 白芷 生地 當歸 赤芍 肉桂 大黃各一兩 淨黃丹十二兩

丹皮散

下膿 人參 丹皮 白芍 茯苓 黃芪 苡仁 桃仁 白芷 當歸 川芎各一錢 甘草五分 木香三分

參芪地黃湯

補益 人參 黃芪 茯苓 熟地 山藥 丹皮 山萸 姜棗

牡丹散

因寒 人參 丹皮 天麻 茯苓 苡仁 黃芪 桃仁 白芷 當歸 川芎各一錢 官桂 甘草各五分 木香三分

內托十宣散

又 人參 黃芪 鹽水浸焙 酒當歸 姜厚 朴 桔梗 肉桂 川芎 防風 白芷 甘草 各等分 為末 每三錢溫酒調服 不飲酒木香湯調下 一方加白芍

大腸方

大黃牡丹湯

因熱大黃芒硝各錢半瓜蒌仁丹皮
桃仁各二錢半服此有膿即下膿無膿即
下血一方有冬瓜仁無瓜蒌仁神效

黃黑散

又大黃一兩取末四錢半破故紙一兩取
末二錢牛蒡子一兩取末一錢黑牽牛一
兩取末二錢右和勻分二服每取一帖蜜水調
空心服以利爲度

桃仁承氣湯

積熱死血

薏苡仁湯

煩躁薏仁瓜蒌仁各三錢丹皮桃仁
各二錢

四物延胡湯

瘀血當歸延胡索各一錢川芎白芍
生地各五分桃仁紅花牛膝各七分
空心服大便秘加大黃

排膿散

排膿黃芪當歸金銀花白芷穿山
甲防風瓜蒌仁連翹甘草各一錢

腸鳴源流

沈金鰲撰

腸鳴大腸氣虛病也。惟大腸之氣先虛。故一切病俱奏之而成是症。大小腸部位。小腸在胃之左。胃下口曰幽門。即小腸上口。小腸盤十六曲。至下口曰闌門。主別清濁。即大腸上口。大腸即迴腸。當臍之右。亦盤十六曲。至廣腸。廣腸者。即直腸。至肛門。其所以鳴者。一由中氣虛。若用破氣藥。雖或暫止。亦不愈。宜補中益氣。湯加炮姜。一由臟寒有水。宜理中湯加肉桂。扶苓車前。一由火欲上升。擊動其水。宜二陳湯加黃連。黃芩。山梔。一由泄瀉。宜升陽除濕。智半湯。一由下氣。暫止復響。宜益中湯。一由疾行。如囊裏水之聲。宜河間。葶。薤。九。其症雖不同。而其鳴或空或寔。或上或下。或高或低。可按而知也。

腸鳴病症。靈樞曰。大腸病者。腸中切痛而鳴濯濯。又曰。腹痛。腸鳴。氣上衝胸。喘不能久立。邪在大腸也。又曰。腸中寒。則腸鳴。

飡洩。入門曰腸虛則鳴。又寒氣相搏則為腸鳴。

治腸鳴方六

補中益氣湯

元氣虛 人參 黃芪 當歸 白朮 柴胡 升麻 陳皮 炙甘草

理中湯

臟寒 人參 白朮 甘草 乾姜

二陳湯

火擊水 茯苓 陳皮 半夏 甘草

智半湯

洩瀉 益智仁 半夏各五分 蒼朮四錢 防風二錢 白朮 茯苓 白芍各一錢 姜

益中湯

下氣 人參 白朮 黃連 黃芩 枳殼 乾姜 甘草

河間葶藶丸

疾行 甜葶藶 澤瀉 杏仁 椒目 桑白皮 猪苓各五錢 蜜丸 葱湯下 取利

脫肛源流 肛門疼痛附

沈金鰲撰

脫肛大腸氣虛病也。大腸之氣虛衰下陷。又或兼有濕熱。故成此

症。雖治不同。要以升提為主。宜人參白朮升麻炙甘草李士材云。脫肛一症。最

難用藥。熱則肛門閉。寒則肛門出。宜內外兼治。誠哉是言也。內宜服磁

石散外宜用。鐵花湯洗總之脫肛。或由於氣虛者。補益為急。宜補中益氣湯

或由於胃家之熱。移注大腸者。兼宜清熱。宜四君子湯而外以清

劑煎湯洗之。自平。又或脫肛而痛。由熱留於下者。當清理大腸。宜槐

花木。由於寒者。急用溫劑。宜理中湯此治脫肛之大法也。至其虛寒寒

熱變遷不同。是在臨症按脉時。神而明之。庶無差悞。

脫肛之由。回春曰。脫肛者。肛門翻出也。肺與大腸為表裏。腎

主大便。肺腎虛者。多有此症。參芪湯升之。

脫肛症治。直指曰。脫肛一症。氣聚不散也。裏急而不得出。外

瀾於大小腸也。又曰魄門。言大腸為肺之府。肺藏魄。故曰魄門也。肛者。言處似車肛形也。

肛門痒痛症治 丹溪曰。凡人醉飽行房。忍泄前陰之氣。歸于大腸。木乘火熱而侮燥金。故火就燥也。大便必秘。其疾甚者。必以苦寒瀉火。以辛溫和血。燥潤疎風止痛。是其治也。宜秦艽白朮九七聖丸。寬腸丸。當歸郁李仁湯。

治脫肛方七

磁石散

總治 磁石煨研極細。食前米飲下。

補中益氣湯

氣虛 人參 黃芪 當歸 白朮 升麻
柴胡 陳皮 炙甘草
胃移熱 人參 茯苓 白朮 炙甘草

四君子湯

挾寒 人參 白朮 乾姜 炙甘草

理中湯

猬皮散

溫補 猬皮 鼈甲各一個燒存性 磁石醋
淬七次五錢 桂心三錢 共為末每二錢空

大腸方

脫肛方

肛門痒痛方

卷三

血熱 川芎 生地 當歸 白芍

虛熱 砂仁 黃連 木賊草 等分爲末每
二錢米飲調下

治痒 羌活錢半 秦朮 黃芪各一錢 防
風七分 升麻 麻黃 柴胡 炙草各五分

藥本三分 細辛 紐花各一分 此方兼治
痔漏成塊下墜不任其痒者
虫角 猬皮 四兩 猪懸蹄二十五隻 牛角膠
三兩 亂髮 敗棕 各二兩 鹿角兩半 苦

棟根兩錢半 雷丸 脂麻各一兩 錢麝香二錢
磁器內煨存性爲末入乳香去油五錢酒吞下
錢和勻酒糊丸先嚼胡桃肉一枚以溫酒吞下
三五十九空 心食前晚三服除根 兼治諸痔
又 扁蓄一握水一升煮取五合去渣隔夜先
不食 明晨空心飲之重卽下 小兒同法

治痛 郁李仁泥一兩半 羌活一兩 煨大黃八錢 桂心 枳殼 木香 川芎各五錢

蜜丸白湯下三五丸微利卽愈切不可快利其痛更甚 脉訣曰積氣生于脾藏旁大腸

疼痛陣難當此藥王之

寬腸丸

便閉

黃連

枳壳

等分麵糊丸米飲下五

歸郁李仁湯

腸出下血

秦艽 郁李仁

皂角仁 煨各一錢 枳壳

寔七分

煨大黃

澤瀉各三分

生地


蒼朮

大腸

肛門痔瘡痛方

卷三

九



胃病源流

沈金鰲撰

足陽明胃脉起于鼻孔交頰中傍納太陽之脉下循鼻外入上齒中還入挾口環唇下交承漿却循頤後下廉出人迎循頰車上耳前過客主人循髮際至頰頤其支者從人迎循喉嚨入缺盆下膈屬胃絡脾其直者從缺盆下乳內廉下挾臍入氣街中其支者起於胃口下循腹裏下至氣街中而合以下解關抵伏兔下膝膕中下循胫外廉下足跗入中指內間其支者入中指外間其支者別跗上入大指間出其端次注于足太陰脾經每日辰時周身氣血俱注于胃足陽明胃經多氣復多血

脾與胃俱屬土脾內而胃外以臟腑言之也脾陰而胃陽以表裏言之也脾主運而胃主化以氣化言之也故脾與胃相連顧胃當相火居正之地而其地又爲太陽少陽部位相合而明之處故曰陽明凡三焦胆之所游部心包絡之所總司皆與胃同有腐熟水穀之妙經曰陽明者午也午爲夏之中相火之本職又三陽之合氣故於十二經氣獨盛血獨旺熱極多而心包絡之代心以至相

火者。皆與胃同其功用也。故就胃言之。是營衛之大主。五臟之宗。主其氣騰而上盛。則脈倍見於人迎。其精充而下輸。則脈湧盛于跌陽。仲景治病。必三部候脈。兩手之外。必兼診兩趺。候動脈之人迎。兩足跌之衛陽。良有以也。蓋以腎爲先天之根。胃爲後天之本。胃強則後天強。而先天于以補助。胃絕則後天絕。雖先天足恃。七日不食亦死。故胃雖屬腑。其脈能大見于寸口。而五臟亦待以養也。夫胃之腑既氣獨盛。血獨旺。熱獨多。故其爲病。亦皆寔熱有餘之症。試觀狂瘧溫注汗出。齋衄口喎唇胗。腮腫喉痺。斑黃狂亂。譫妄潮熱。登高而呼。棄衣而走。罵詈不避親疎。凡其在經在絡在腑。無不以氣寔血熱爲顯症。非以其腑爲兩陽合明之故乎。仲景曰。陽明之爲病。胃家寔也。是是因指氣獨盛。血獨旺。熱獨多所發之病。皆屬有餘而言。非僅燥滿便下。焦堅寔之謂也。雖然。胃家病。

雖屬有餘而亦時形不足譬如相火既虛不能爲胃蒸化胃氣卽不能旺氣不旺卽怯而不支故亦有虛寒之症試觀洒洒振寒善伸數欠顏黑惡人與火聞水聲惕然而驚心欲動獨閉戶牖而處身以前皆寒慄胃中寒臍脹陽明之虛寒有如此者安得泥胃家寔之一言槩從有餘治之哉凡此症病爲寔爲虛皆可按內經而繹之者也

胃病虛寔 內經曰胃脉寔則脹虛則洩 東垣曰胃中元氣盛則能食而不傷過時而不飢脾胃俱旺則能食而肥脾胃俱虛則不能食而瘦或食而肥雖肥而四肢不舉

胃病症治 靈樞曰飲食不下隔塞不通邪在胃脘也又曰胃中寒則手魚際之絡脉多青胃中熱則手魚際之絡脉多赤又曰面熱者足陽明病兩跗之上脉豎堅者足陽明症此爲胃脉

也。入門曰脾胃不和。不思飲食。心腹脹痛。嘔噦惡心。噫氣吞酸。面黃肌瘦。怠惰嗜臥。常多自利。或發霍亂。及五噎八痞。膈氣反胃等症。皆宜平胃散。千金曰。脾胃虛弱。飲食不進。面黃肌瘦。胸膈痞悶。食不消化。或噫氣吞酸。以養胃進食湯治之。東垣曰。胃寔宜平胃散。胃虛宜異功散。不進飲食。宜養胃進食湯。胃絕候。內經曰。胃終者。口目動作。善驚。妄言。色黃。其上下經盛不仁。則終矣。脉經曰。胃絕五日死。何以知之。脊痛。腰中直。不可反覆。

胃痿胃陽遏抑病也。聖濟總錄云。胃脘痞。由寒氣隔陽。熱聚胃口。寒熱不調。血肉腐壞。氣逆於胃。故胃脉沉細。陽氣不得上升。人迎熱甚。令人寒熱如瘧。身皮甲錯。或咳嗽。或嘔膿血。若脉洪數。膿已成也。急用排膿之劑。脉遲緊。屬瘀血也。急當議下。否則毒氣內攻。

腸胃併腐其害不小。但此症又不比肺癰之可認。苟不嘔膿血。未免他誤矣。瘍家可不知方脉之理乎。據此則知胃癰之症。端由胃陽之遏。然其所以致遏。是又有因。不但寒也。必其人先有飲食積聚。或好飲醇醪。或喜食煎燂。一種熱毒之氣。累積于中。又或七情之火。鬱結日久。復感風寒。使熱毒之氣。填塞胃脘。胃中清氣下陷。故胃脉沉細。惟爲風寒所隔。故人迎緊盛也。若有此二脉。非胃癰而何。然症之成也。必以漸。而治之之法。亦不可混施。如初起寒熱如瘧。咳唾膿血。宜射干湯後必有風熱固結。唇口瞶動者。宜薤白積熱結聚者。宜清胃散有胸乳間痛。吐膿血腥臭者。宜牡丹散宜各因其症而以藥瘳之也。

脉法 內經曰。診此者。當候胃脉。其脉當沉細。沉細者。氣逆也。逆者。人迎甚盛。甚盛則熱。人迎者。胃脉也。逆而盛。則熱聚于胃。

口。而。不。行。故。胃。脘。爲。瘕。也。

胃瘕症治 靈樞曰。中脘穴。屬胃。隱隱痛者。胃脘痛也。 入門

曰。外證寒熱如瘥。胃濁則肺益失養。故身皮甲錯。或咳或嘔。或唾膿血。射干湯主之。千金內消散內消沃雪湯東垣托裏散皆
可服。

胃痛邪干胃脘病也。胃稟冲和之氣。多氣多血。壯者邪不能干。虛則着而爲病。偏寒偏熱。水停食積。皆與真氣相搏而痛。惟肝氣相乘爲尤甚。以木性暴且正尅也。痛必上支兩脇裏急。飲食不下。膈咽不通。名曰食痺。謂食入卽痛吐出乃止也。宜肝氣犯胃方蓋以肝木相乘爲賊邪。腎寒厥逆爲微邪。扶他臟而見症。當與心痛相同。但胃經本病。或滿或脹或嘔吐吞酸或不食或便難或瀉痢或面浮黃四肢倦怠。此等本病必與客邪參雜而見。蓋胃病有因外吸涼風。

內食冷物卒然痛者。宜二陳湯加草薤仁乾姜吳萸有因寒者。宜草果厚朴寒且甚者。宜華澄茄一粒納去核棗中水草紙包有因火者。宜清有因瘀血者。宜桃仁承氣湯有因氣壅者。宜沉香降氣湯有因酒者。宜乾姜薤仁砂仁有因痰者。宜南星安中湯如甚加且有痰火者。宜白礬硃砂醋有因諸重者。宜剪有因食而按之滿痛者。宜大柴胡湯有因虛寒者。宜理中湯胃痛形症有可歷舉如此。總之七情之由。作心痛。食積痰飲瘀血。作胃脘痛。二語正是分明。曷言乎爾。如食積痰飲瘀血。皆貯于胃中者。故其為病而痛。為胃脘痛也。然胃痛必有虛寔。總以按之痛止者為虛。宜參朮散按之痛反甚者為寔。宜梔黃丸其大較也。至于痛甚者。脉必伏。是又不可不知。其用藥之法。凡痛必須溫散。切不可補氣以氣旺不通。則痛反甚也。顧安可忽視乎哉。

脉法 脉訣曰。沉弦細動。皆是痛症。心痛在寸。腹痛在關。下部

在尺脉象顯然。

胃痛症治 丹溪曰凡心胃痛須分新久明知身受寒口吃冷

而得者初得時即溫散或溫利稍久則鬱鬱久則熱熱久生火便不可用溫必以山梔為熱藥向導又曰凡痛宜分寒熱重血四條寒溫之熱清之血散之重殺之又曰心胃痛須用劫藥痛方止如倉卒散愈痛散皆能治之又曰心胃痛用山梔劫藥又發前藥必不效加元明粉一錢即止又曰心胃痛時雖數日不吃飯不死若痛止便吃物即復發必三五日服藥方可吃。

治胃病諸藥要品及方三

胃寔宜清熱散結

大黃	枳寔	知母	石膏	淡竹葉
葛根	青黛	大青	甘草	夏枯草

神曲	連翹	山查	麥芽	麥門冬
----	----	----	----	-----

黃連	陳皮	木瓜	竹茹	金石斛
----	----	----	----	-----

通草	茯苓	蘆根		
----	----	----	--	--

胃虛宜清熱益氣

人參 白朮 蓮肉 陳皮 扁豆子
茯苓 白芍 木瓜 石膏 金石斛

滑石 香茹 厚朴 麥冬 炒澤瀉
葛根 兼寒加生薑 砂仁 白蔻仁
兼熱加蘆根 蘆根 蔗漿 竹茹 枇杷葉

平胃散

胃寔 蒼朮二錢 陳皮一錢四分 厚朴一錢 甘草六分 姜三片 棗二枚

異功散

胃虛 人參 茯苓 白朮 甘草 陳皮 姜 棗

養胃進食湯

不食 人參 茯苓 白朮 炙草 蒼朮 陳皮 厚朴 神曲 麥芽

附載仲景分別標本方藥

標葛根

升麻 犀角 石膏 知母

標升麻

葛根湯 白虎湯

標之本 調胃承氣湯

本 調胃承氣湯

本之標 人參白虎湯 寔能食 大黃 芒硝 巴霜 輕粉

虛

不能食

白朮

蒼朮

生薑

乾姜

神曲

麥芽

煩

陽

梔子

附子

陰香

吳萸

烏頭

不得眠

煩躁

山梔

知母

食利則吐謂之嘔

生薑木通湯

食入則吐謂暴吐

生薑葶藶湯

食已則吐謂嘔吐

橘紅半夏湯

食久則吐謂反胃

水煮金花丸

食再則吐謂翻胃

易老紫沉丸

旦食不能暮食則吐

半夏生薑大黃湯

胃寔腸虛能食能便

枳寔

厚朴

赤石脂

遺根丸

胃虛腸寔不食不便

枳寔

枳壳

白朮

蜜

理中丸

胃寔腸寔能食不便

大黃

巴豆

牽牛

胃虛腸虛不食能便 白朮 厚朴 枳實 理中湯

關則不得小便 關者甚熱之氣 關無出之由故曰關 者陽氣太盛陰氣不得營也

格則壅而吐逆 格者甚寒之氣 格無入之理故曰格 者陰氣太盛陽氣不得營也

關格 陰陽俱盛不能相營故曰關格 關格者不得盡其命而死矣

口苦 寒則補胃 熱則泄胆

舌乾 水多沉液 火多枯燥 四君子湯 五物厚腸湯 麥冬飲子

治胃瘕方八

射干湯 初起 射干去毛 山梔 赤茯苓 升麻各一錢 赤芍錢半 白朮五分

薏苡仁湯 風熱 薏仁 防已 赤小豆 炙草 等分

清胃散 積熱 歸身 生地 丹皮 黃連各錢半 升麻三錢 石膏二錢 細辛三分 黃芩一錢二分

芍藥湯 又 赤芍 石膏 犀角 麥冬 木通 芍藥 升麻 元參 甘草

牡丹散

臭臘 丹皮 地榆 枳仁 黃芩各錢半
赤芍 桔梗 升麻 甘草 敗醬各一錢

千金內消散

鹿未成 大黃三錢 金銀花二錢 酒歸尾
錢半 木鼈子 赤芍 白芷 乳香 沒藥

角刺 姜蚕 瓜蒌仁 花柳各一錢 甘草
節五分 穿山甲三片 蛤粉炒 水煎

內消沃雪湯

連喬 歸身 白芷 貝母 甘草節 黃芪 射干
又 穿山甲 金銀花 木香 青皮 乳香 沒

藥各五分 酒大黃錢半 水煎
又 金銀花 當歸各二錢 大黃 牡蠣

東垣托裏散

花粉 角刺 連喬 朴硝各六分 赤芍
黃芩各四分 水酒煎

治胃痛方十

肝氣犯胃方

食痺 烏藥汁七匙 枳殼汁五匙 白芍汁
廿匙 木香汁五匙 杜心土一錢 炒砂仁
三分 將二味煎湯沖諸汁服

二陳湯

因風 茯苓 陳皮 半夏 甘草

清中湯

因火 黃連 山梔 陳皮 茯苓 半夏
草薢 甘草 加姜

桃仁承氣湯 因瘀

沉香降氣湯 因氣 沉香 香附 烏藥 砂仁 甘草

南星安中丸 因痰

剪紅丸 因血 雄黃 木香 枳實 三稜 莪朮

大柴胡湯 因食

理中湯 虛寒 人參 白朮 甘草 乾姜

參朮散 因虛

梔薹丸 因寔

倉卒散 劫藥 山梔 四十九个連皮炒 大附子一个

炮去皮臍為粗末 水一杯酒半杯煎七分入
藍少許服 加川芎一錢尤妙
此方能治氣自腰腹間攣急疼痛不可屈伸痛
不可忍自汗如洗手足冰冷垂死者

愈痛散 劫藥 五靈脂 元胡索 莪朮 夏姜 當歸 等分為末每二錢淡醋湯調服

此方兼治急心痛。

霍亂源流

沈金鰲撰

霍亂胃虛病也。內經有水濕火熱。肝木勝土。厥氣上逆之不同。推而廣之。風寒暑毒之由於外。因飲食鬱結之由於內。因者皆能致病。其症心腹脹痛。嘔吐洩瀉。憎寒壯熱。頭痛眩暈。先心痛則吐先腹痛則瀉。心腹俱痛則吐瀉交作。或手足冷。或自汗。甚而轉筋入腹。則死。要皆由中氣素虛。或內傷七情。或外感六氣。或傷飲食。或中邪惡污穢氣。及毒氣。往往發於夏秋。陽熱外逼。陰寒內伏。使人陰陽否隔。卒然而病。偏於陽者多熱。偏於陰者多寒。治法惟以祛脾胃之濕爲主。復察所感諸邪之氣而散之。然脾胃有虛寔感邪有陰陽。尤當熟審。向來論治者不一。須參究而歸於的是。如劉河間主火熱。孫思邈主飲食積。朱丹溪極贊爲先哲諦論。而復申其說。以爲內有積。外有感。陽不升。陰不降。張子和主風濕。喝三氣合

而爲邪。其意以濕土爲風木所尅。又爲炎暑蒸鬱。故嘔吐者暑熱之變。泄瀉者土濕之變。轉筋者風木之變。李士材兼王濕熱風暑虛寔而分別治之。羅謙甫專主氣不和。故以地漿爲治。使氣和而吐瀉自止。其法最妙。古復菴則隨病之緣。感人之虛寔。分晰施治。而大旨則重痰。故其法必用蘇合丸以通否塞。次進藿香正氣散。加木香。吞來復丹以控痰涎。若瀉已甚。不用來復丹。瀉而不吐。胸膈痞悶。必用濃鹽湯探吐。不論已未吐。並服藿香正氣散。間服蘇合丸。吐而不瀉。心腹大痛。頻欲登圜。苦於不通。則以木香枳實煎湯飲之。若隔而不下。仍須來復丹引導下行。若吐瀉不止。元氣耗散。或水粒不入。或口渴喜冷。或惡寒戰掉。手足逆冷。或發熱煩燥。揭去衣被。此並非熱。由內虛陰盛也。則用附子理中湯。或四逆湯。俱令服。霍亂已透。餘吐餘瀉未止。腹有餘痛。一味扁豆葉煎服。按

羅古兩家之法。誠能得治霍亂之三昧者。醫者遵守之可也。然其

病因。亦有當細審者。手足厥逆。氣少神清。不渴不熱。小水清白。因

於寒也。宜四逆湯。身熱煩渴。氣粗。口苦齒燥。小水短赤。因於暑也。

宜黃連香。四肢重着。骨節煩疼。胸膈滿悶。因於濕也。宜除。腹痛下

濁物。因於多食寒冷也。宜六和湯。倍用藿。腹痛不可近。因於食積。

停滯也。宜香砂枳木丸。心膈迷悶。氣結不舒。因於七情內鬱也。宜

氣霍亂而兼轉筋。因於肝木尅脾土也。却與肝經血虛轉筋不同。

宜平胃散。加桂枝木瓜柴胡。以上皆霍亂之兼症所形。卽其兼症。遂可知其所

感。以爲治也。總之邪在上。必當吐。卽已吐。仍使吐之。以提其氣。宜

湯探邪在下。必當瀉。量其人之氣稟。病之輕重。以投藥。宜于霍亂

吐法邪在下。必當瀉。量其人之氣稟。病之輕重。以投藥。宜于霍亂

黃至霍亂已。只須米湯調養。慎勿便與穀食。若吐瀉過多。四肢逆

冷。不省人事。急用製南星末三錢。姜五片煎極熱服。一服可救。或

半夏末姜汁服或白礬一錢沸湯下亦效。然後以藥治之。宜加味

雖至幾死但有一點胃氣存者亦可救。先用前南星末等又如吐

瀉既多津液暴亡以至煩渴引飲不止。宜麥門冬湯又如吐瀉後

虛煩不得眠。宜既濟湯皆宜察治。至如霍亂後陽氣衰絕或遺

尿不知氣脫不語膏汗如油如脂燥欲食水四肢不收或脉微細

而舌卷囊縮皆屬死候。蓋霍亂輕者手足溫和脉來洪大自然易

治。重者厥逆脉脫臍腹絞痛舉體轉筋尚未入腹猶有可治。急當

溫補以回陽復脉。宜附子理中湯至妊娠霍亂先吐或腹痛吐瀉必

由于熱。宜香薷散頭痛體疼發熱必挾風。宜藿香正氣散去

者防損胎。產後霍亂藏府虛微飲食不消觸冒風冷所致也。其有

熱而欲飲水者。宜五苓散有寒而不欲飲水者。宜理中湯有虛冷者。宜附子

或來復丹皆宜分別異鄉人初到他方不伏水土亦吐利兼作。宜加減

若乾霍亂。卽俗云攪腸痧。亦由胃氣虛猝中天地邪惡污穢之氣。鬱於胸腹間。上不得吐。下不得瀉。以致腸胃絞痛異常。胸腹脹。遍體紫黑。頭頂心必有紅髮。急尋出拔去之。急以三稜鍼針刺委中。擠出熱血。可立蘇。更用新汲涼水入鹽兩許。恣飲得吐瀉卽止。委中穴在兩膝下灣橫紋中間兩筋之中。刺入一分。然後用藥治之。宜蘇合香、藿香、檀香、乳香、芒硝、童便、川芎、白芷、蒼朮及二陳湯、藿香正氣散必效。切不可用涼藥。但藥必冷服。切忌火酒、姜蒜、穀氣、米飲、熱湯入口。卽死。慎之。慎之。更有進者。乘船坐車。發暈嘔吐。亦屬霍亂之類。宜大半夏湯。其大吐瀉渴欲飲水者。往往至於死。急飲童便。或已便可救。或以白礬末一錢。百沸湯點。稍溫服亦可。

脉法 得效曰。霍亂脉浮洪可救。微遲而不語。氣少難治。丹溪曰。脉多尖或絕。醫鑒曰。脉代者霍亂。代而亂者亦霍亂。又

關脉滑爲霍亂吐利。又滑而不勻。必是霍亂吐利。脉代勿訝。
脉訣曰。滑數爲嘔。代者霍亂微滑者生。滑數而斷。正傳曰。脉
微瀉。或代散。或隱伏。或虛大。或結促。不可斷以死。脉亂故也。又
曰。浮大而洪者爲可救。微弱而遲者爲難救。

霍亂所由。經曰。五穀之發。民病嘔吐。霍亂注下。又曰。太陰所
至。爲中滿。霍亂吐下。又曰。歲土不足。風乃大行。民病飧泄。霍亂
體重。腹痛。筋骨搖。併。啟元子曰。皆脾熱所生也。入門曰。霍
亂多。責于熱。故夏秋爲盛。寒月亦由伏暑。

霍亂症治。入門曰。邪在上焦。吐而不利。邪在下焦。利而不吐。
邪在中焦。吐利並作。輕者只曰吐利。重者乃曰霍亂。以揮霍變
亂也。甚則轉筋入腹。必死。得效曰。人之藏府。冷熱不調。飲食
不節。生冷過多。起居失宜。露臥當風。使風冷之氣歸于三焦。傳

于脾胃。脾胃得冷。不能消化。水穀致令真邪相干。飲食變亂于腸胃之間。心腹疼痛。發作吐利。或兼發熱。頭疼。體痛。心腹刺痛。虛煩。或轉筋拘急疼痛。或嘔而無物。或四肢逆冷。煩悶昏塞而欲死。海藏曰。凡霍亂。渴爲熱。不渴爲寒。千金方曰。陽明屬胃。大腸以養宗筋。吐瀉津液暴亡。宗筋失養。輕者兩腳轉筋而已。重者遍體轉筋入腹。手足逆冷。危甚風燭矣。倉卒間。急以鹽填臍中。炮艾。不計壯數。雖已死。而胸中有煖氣者。立省。急用木萸散。木瓜。食鹽。吳萸。各五錢。全炒。加茴香。蘇葉。甘草。煎服。再研蒜塗兩足心。雖昏危入腹者亦效。

霍亂不治症。綱目曰。霍亂轉筋入腹。四肢厥冷。氣欲絕。如脉洪大。可治。脉微而舌卷囊縮不治。得效曰。兼喘煩躁者不治。脉微遲。氣少不語難治。入門曰。大渴大躁。大汗遺尿者死。回

生散救之。回春曰：乾霍亂吐瀉不得，胸腹脹硬，面唇青黑，手足冷過腕膝，六脉伏絕，氣喘急，舌短囊縮者死。

治霍亂方二十六

蘇合丸

總治 白朮 青木香 犀角 香附 安息
香 硃砂 訶子 檀香 沉香 麝香 丁
香 冰片 草撥 薰陸香 蘇合香 各一兩
共為末用 安息香熬膏并蘇合香油煉蜜丸
彈子大蠟封

藿香正氣散

又 藿香 白芷 紫蘇 茯苓 大腹皮
厚朴 陳皮 白朮 桔梗 半夏 甘草

來復丹

又 五靈脂 醋糊丸 每三十九丸 空心米湯下
陰盛 附子 人參 白朮 甘草 乾姜

附子理中湯

又 附子 乾姜 甘草

四逆湯

黃連香茹飲

因暑 黃連 香茹 扁豆 厚朴 甘草

除濕湯

因濕 蒼朮 葉本 羌活 防風 升麻
柴胡

六和丸

食冷 香茹 砂仁 半夏 人參 杏仁
赤苓 甘草 木瓜 厚朴 扁豆 薤白

香砂枳朮丸

食滯 木香 砂仁 枳壳 白朮
情鬱 半夏 厚朴 白芍 茯苓 人參

七氣湯

桂心 紫蘇 橘紅 白芍 茯苓 人參
轉筋 蒼朮 厚朴 陳皮 甘草

平胃散

建中湯

回陽 白芍 桂枝 生姜 甘草 黑糖
飴糖 黃連 香茹 厚朴 甘草

香菇散

產後 茯苓 猪苓 白朮 澤瀉 肉桂

五苓散

理中湯

又 人參 白朮 甘草 生姜

二陳湯

乾霍亂 茯苓 半夏 陳皮 甘草

回生散

吐瀉過多 藿香 陳皮 各五錢

加味姜附湯

又 炮姜 附子 人參 各一錢半 炙草七

麥門冬湯

煩渴 麥冬二錢 陳皮 半夏 白朮 茯苓
冬各一錢 小麥半合 人參 甘草各五分

霍亂方

姜三片 烏梅一个 一名九君子湯

茯苓白朮散

又滑石一兩 寒水石 石膏 澤瀉 甘草 各五錢 白朮 茯苓 人參 桂枝 各二錢 半 每末三錢 開水下 姜湯亦可

參胡三白湯

此方兼治中暑霍亂 虛煩 人參五分 柴胡 白朮 白茯苓 白芍 當歸 陳皮 麥冬 山梔 甘草 各八分 五味子十粒 姜二片 烏梅一个 燈心一團

既濟湯

又麥冬二錢 人參 竹葉 炙甘草 半夏 附子 各一錢 姜五片 梗米百粒

加減正氣散

不伏水土 蒼朮二錢 厚朴 藿香 陳皮 砂仁 香附 半夏 甘草 各一錢 姜二片 棗一枚 燈心十根

大半夏湯

船車暈 半夏 陳皮 赤苓 各二錢 半 姜五片

鹽湯探吐法

吐法 用極鹹鹽湯三碗 熱飲一碗 指探令吐 不吐再服一碗 吐訖仍飲一碗 三吐乃止 此法極良 不傷人

地漿法

總治 于墻陰掘地約二三尺 許人新汲水攪之 澄清服一杯 既取土氣 安養中官 又取墻陰

無燥熱氣又取新汲水能解熱毒益陰中之陰
能治陽中之陽也

[illegible]

諸痿源流

沈金鰲撰

諸痿熱傷血脉病也。蓋火熱之邪傷及血脉。皆能發爲經筋骨髓血脉肌肉皮毛之痿。然其病之源則以肺爲主。以肺燥居上。主氣畏火而行治節。必金清而後氣行。充于一身之筋骨血肉皮毛間。何至於痿。若起居失度。嗜慾無端。飲食非宜。以致火動熱邪乘金。肺先受尅。內則葉焦。外則皮毛虛弱。由是而着於筋脉骨肉。則病生痿躄。所以然者。肺爲諸臟之長。又爲心蓋。一切起居嗜慾飲食皆足傷氣。氣傷卽肺受之。而亦傷。且心火上乘肺。氣虛而受其乘。必金病爲喘鳴。金失清肅。火留不去。故肺熱葉焦。五臟因肺熱。自病。氣不行發爲痿躄也。乃古人治痿獨取陽明者何也。經云。真氣與穀氣并而充身。又云。陽明爲藏府之海。陽明虛則五藏無所稟。不能行氣血濡筋骨利關節。故肢體中隨其不得受水穀氣處而

成痿。又云。衝爲十二經之海。主滲灌谿谷。與陽明合於宗筋。而陽明爲之長。皆屬於帶脉。絡于督脉。陽明虛則宗筋緩。故足痿不用。統觀經旨。欲除肺熱。必先除陽明之熱。而養其陰。調其虛。寔和其逆。從斯宗筋潤。筋骨束。機關利。而病已也。試舉五臟所生痿病。言之。經曰。肺氣熱。葉焦。則皮毛虛弱急薄。而生痿。痿蓋肺痿者。皮毛痿也。臂者。足弱不能行也。宜犀角枯梗湯經又曰。心氣熱。則下脉厥而上。上則下脉虛。虛則生脉痿。樞折挐。脛縱而不任地。蓋心痿者。脉痿也。下脉指三陰在下之脉。樞折挐者。四肢關節之處。如樞紐之折。而不能提挈。脛縱者。縱緩也。宜鐵粉丸經又曰。胆氣熱。則胆泄。口苦。筋膜乾。筋膜乾。則筋縱而攣。發爲筋痿。蓋肝痿者。筋痿也。胆附于肝。肝熱則胆泄。故口苦。筋膜受熱。則血液乾。故拘攣而爲筋痿也。宜紫葳經又曰。脾氣熱。則胃乾而渴。肌肉不仁。發爲肉痿。蓋脾痿者。肉

痿也。脾與胃以膜相連。而開竅于口。故脾熱則胃乾而渴。且精耗

而肌肉不仁也。宜二陳湯加人參黃芪經又曰。腎氣熱則腰脊不舉。骨枯而

髓減。蓋腎痿者。骨痿也。腰者腎之府。腰貫脊。主髓。故腎熱而見症

若此也。宜金剛丸此五痿者。必外徵之色。肺熱色白而毛敗。心熱色赤

而絡脉溢。肝熱色蒼而爪枯。脾熱色黃而肉濡。腎熱色黑而齒槁。

必然之理也。而五痿之外。又有屬濕熱者。宜加味二妙丸有屬濕痰者。宜

陳湯加二木黃。有屬血虛者。宜四物湯二。有屬氣虛者。宜四君子

柏竹瀝姜汁。妙丸合用有屬死血者。宜歸地黃龜板虎骨有屬脾氣

太過者。必四肢不舉。宜承氣湯下之有屬土氣不及者。亦四肢不舉。宜四

湯加。有熱而痿厥者。宜虎潛丸有痿發于夏者。即俗名疰夏。另詳疰夏

條。宜清暑益氣湯以上十症。皆痿之屬。非可混治也。昔東垣治痿。總以黃

柏為君。黃芪為佐。而無一定之方。隨其症之為痿。為濕。為熱。為寒。

爲氣爲血。各加增藥味。活潑製方。其真善於治痿者乎。然必其人能休息精神。淡泊滋味。尤是頂門一針。另有陰痿。則由命門火衰。下焦虛寒之故。另詳本條。宜鹿茸散

脉法 內經曰。脾脉緩甚爲痿厥。脉經曰。診人痿躄。其脉虛者生。緊急疾者死。脉訣曰。尺脈虛弱。緩濇而緊。病爲足痛。或是痿病。子和曰。痿脉多浮而大。

痿病症治 河間曰。痿謂手足痿弱。無力以運動也。由肺金本燥。燥之爲病。血衰不能養榮。百骸故手足痿弱。不能運動。猶秋金旺。則草木痿落。病之象也。痿猶萎也。子和曰。痿之作也。皆五月六月七月之時。午者。少陰君火之位。未者。濕土庚金伏火之地。申者。少陽相火之分。故病痿之人。其脉浮大。丹溪曰。肺金體燥而居上。主氣畏火者也。脾土性濕而居中。主四肢畏木。

者也。火性炎上。若嗜慾無節。則水失所養。火寡于畏。而侮所勝。肺得火邪而熱矣。木性剛急。肺受熱。則金失所養。木寡于畏。而侮所勝。脾得木邪而傷矣。肺熱。則不能斂攝一身。脾傷。則四肢不能爲用。而諸痿之病作矣。瀉南方。則肺金清。而東方不寔。何脾傷之有。補北方。則心火降。而西方不虛。何肺熱之有。陽明寔。則宗筋潤。能束骨而利機關矣。治痿之法。無出于此。又曰。痿病切不可作風治。用風藥。正傳曰。蒼朮黃柏治痿之聖藥也。又曰。肝腎俱虛。筋骨痿弱。宜加味四斤元五獸三圓丸。濕熱痿弱。宜神龜滋陰丸。三妙丸。加味二妙丸。長夏暑濕成痿。宜健步丸。四製蒼柏丸。清燥湯。

治痿方二十一

犀角桔梗湯

肺痿
山藥

黃芪
犀角

石斛
通草

天冬
桔梗

麥冬
黃芩

百合
杏仁



秦朮

鐵粉丸

心衰 鐵粉 銀屑 黃連 苦參 石蜜
龍胆草 龍齒 牛黃 秦朮 丹皮 白鮮
皮 地骨皮 雷丸 犀角

紫葳湯

肝癰 紫葳 天冬 百合 杜仲 黃芩
黃連 草薢 牛膝 防風 兔絲子 白蒺
藜

二陳湯

脾癰 茯苓 陳皮 半夏 甘草

金剛丸

腎癰 草薢 杜仲 肉蓯蓉 兔絲子 等
分酒煮猪腎打泥為丸

加味二妙丸

因濕 歸柏 防已 草薢 蒼朮 黃柏
牛膝 龜板

四物湯

血虛 川芎 白芍 當歸 生地

二妙丸

又 蒼朮 黃柏

四君子湯

氣虛 人參 茯苓 白朮 甘草

木香檳榔丸

食積 木香 檳榔 白朮 枳實 陳皮
香附

歸梢湯

死血 歸梢 赤芍 莪朮 桃仁 紅花

大承氣湯

脾太過 大黃 芒硝 厚朴 枳實

虎潛丸

癰厥 龜板 黃柏各四兩 熟地 知母各二兩 牛膝三兩半 陳皮七錢 乾姜五錢 白芍一兩半 鎖陽 虎骨 當歸各一兩 加附子更妙 酒糊丸 治癰厥如神

清暑益氣湯

疰夏 黃芪 升麻 蒼朮 白朮 人參 神曲 澤瀉 陳皮 黃柏 當歸 麥冬 乾姜 青皮 五味子 炙甘草

加味四斤元

肝腎虛 酒牛膝兩半 川烏 虎脛骨 肉蓯蓉各一兩 乳香 沒藥各五錢 蒸熟木瓜一個搗如泥和酒糊丸溫酒或淡鹽湯下七十九

五獸三匱丸

又 鹿茸 酥炙 血竭 虎脛骨 酥炙 牛膝 酒浸 金毛狗脊 燒去毛各一兩共為末即五獸也另用附子一個去皮臍去中心入硃砂細末一兩填滿 木瓜一個去皮去中心入附子于內以附子末蓋口即三匱也却以三匱正坐于磁缸內重湯蒸極爛和五獸末搗丸木瓜酒下 血竭一名麒麟竭

滋陰神龜丸

濕熱 龜板酥炙四兩 鹽黃柏 鹽知母各二兩 五味子 杞子 鎖陽各一兩 乾姜五錢 酒糊丸 鹽酒下 此治膏梁之人濕

三妙丸

熱傷腎脚膝痿弱 又製替木六兩 酒黃柏四兩 牛膝二兩 此治濕熱下流兩脚麻木痿弱或如火烙之熱皆濕熱也

健步丸

長夏暑濕 防已一兩 羌活 柴胡 酒花粉 炙甘草各五錢 防風 澤瀉各三錢 苦參 川烏各一錢 肉桂五分 酒糊丸 葱白煎芥湯下

四製蒼柏丸

炙八兩 浸炙各宜十三次 蒼木八兩 用川椒補骨脂川芎五味子各炒二兩 揀去諸味只取柏木蜜丸 早酒午茶晚白湯各下三五十丸 又黃芪 白朮各錢半 蒼木一錢 陳皮

清燥湯

澤瀉各七分 赤苓 人參 升麻各五分 生地 當歸 猪苓 麥冬 神曲 甘草各三分 黃連 黃柏 柴胡各二分 五味子九粒 水煎服

沈氏尊生書卷四

雜病源流犀燭 臟腑門

脾病源流 痞氣

沈金鰲撰

足太陰脾脉起大指端循指內側過核骨後上內踝前廉上臍內循脘骨後交出厥陰之前上膝股前廉入腹屬脾絡胃上高挾咽連舌本散舌下其支者復從胃別上鬲注心每已時氣血注脾足太陰脾經血少氣旺

脾也者心君儲精待用之府也。臆運用散精微爲胃行精液故其位卽在廣明之下。與心緊切相承其職掌太倉之運量而以升爲德其部當水穀之海故患濕其屬土配資生坤元故爲十二經根本其勢居中央孤臟以灌四旁注四末故爲六經內主其所以爲脾如此古人謂爲後天之本信然也。蓋脾統四臟脾有病必波及之四臟有病亦必待養於脾故脾氣充四臟皆賴煦育脾氣絕四臟不能自生昔人云後天之本絕較甚先天之根絕非無故也凡

治四臟者。安可不養脾哉。然經曰。腹滿與脹。支脇脇脇。下厥上冒。以爲過在脾與胃者。豈盡脾胃之過哉。皆由中氣不足。爲病甚而。入脾。致脾經不運。陽明之氣亦不騰。是以不能出營衛。升達上下。也。惟不升上。故肺氣不行而上冒。惟不達下。故腎氣獨沉而下厥耳。至若本經爲病。不外濕淫熱鬱兩端。濕由水氣。病則壅壅則傷氣。氣虛而不運。必腹脹胃痛。腸鳴飧泄。身重食不化。熱由火氣。病則不濡。不濡則傷血。血枯而燥。必胃氣厚。善饑。肉痿。足不能行。善癰。腳下痛。口乾舌本強。食卽吐。食不下。煩心。水閉。黃疸。脾約。皆脾經病也。治之者。務使三焦之氣流轉和通。則土潤而升。不憂其燥。而火氣不得病之。土健而運。不憂其濕。而水氣亦不得病之矣。

脉法 脉訣曰。脾脉寔兼浮。消中脾胃虛。口乾饑飲水。多食亦肌虛。卑滑脾家熱。口氣氣多粗。濇卽非多食。食不作肌膚微浮。

傷客熱來去乍微疎有繫脾家痛仍兼筋急拘欲吐不卽吐冲未得蘇若弦肝氣盛妨食被譏吁大寔心中痛如邪勿帶符溢關涎自出風中見羈孤羈傷也脾爲孤臟而受風傷故曰羈孤又曰右手第二指連脾四十五動無諸疑急動名爲脾熱極食不能消定若斯欲知疾患多因吟指下尋之慢極遲吐納不定經旬日胃氣忤心得幾時

脾病症治

靈樞曰有所擊仆若醉飽入房汗出當風則傷脾又曰脾藏營營舍意脾氣虛則四肢不用五藏不安寔則腹脹大小便不利又曰邪在脾胃則病肌肉痛陽氣有餘陰氣不足則熱中善饑陽氣不足陰氣有餘則寒中腸鳴腹痛素問曰肝傳之脾病名曰脾風發瘧腹中熱煩心出黃又曰脾熱者腹黃而肉瞤動又曰大骨枯大肉陷胸中氣滿喘息不便內痛引

肩項身熱脫肉。眞臟見。十月之內死。又曰。脾病者。日眊。慧。日出甚下。晡靜。又曰。脾苦濕。急食苦以燥之。脾欲緩。急食甘以緩之。苦濕是有餘。欲緩是不足。又曰。脾病禁溫。食飽。食濕地濡衣。難經。飲食勞倦則傷脾。又曰。外症面黃。善噦。善思。善味。內症當臍有動氣。按之牢若痛。其病腹脹滿。食不消。體重節痛。怠惰嗜卧。四肢不收。有是者。脾也。無是者。非也。

脾絕候。靈樞曰。是太陰氣絕。則脉不榮肌肉。唇舌者。肌肉之本也。脉不榮。則肌肉軟。肌肉軟。則舌痿。人中滿。人中滿。則唇反。唇反者。肉先死。甲日篤。乙日死。又曰。太陰終者。腹脹閉。不得息。善噦。善嘔。嘔則逆。逆則面赤。不逆。則上下不通。上下不通。則面黑。皮毛焦而終矣。仲景曰。環口黧黑。柔汗發黃者。此乃爲脾絕。

脾氣滯滯保養法 保生秘要曰。凡人氣旺則血榮而潤澤。氣絕則血枯而減形。故氣虛弱則滯滯而成病。如滯於脾則胃口凝滯。不克飲食。而多瀉泄。久不疏通。則成中滿之症。諸濕腫滿。皆屬于脾。四季脾居士。輕呼稍寬胸。大病須服氣。能伏養谷神。蓋脾爲一身之主。氣滯于內。却內五藏之患。滯于外。防癰疥之憂。皮裏隔膜有積熱。而內外相感。尤防疽毒。所感者七情六慾而生也。

導引 臞仙曰。可大坐。伸一脚。屈一脚。以兩手向後反掣各三五度。亦可跪坐。以兩手拒地。回顧用力虎視各三五度。能去脾藏積聚風邪。喜食。

修養 養生書曰。常以季夏之月朔旦。并四季之末十八日。旭日正坐中宮。禁氣五息。鳴天鼓十二通。吸坤宮之黃氣入口。十

二噦之閉氣五十息。

治脾病諸藥要品及方三

脾寔宜除濕清熱

白朮 山梔 猪苓 澤瀉 車前子
茯苓 滑石 防風 葛根 白芷 薏

脾虛宜甘溫辛酸

人參 大棗 黃芪 山藥 扁豆子
建蓮 砂仁 茯苓 橘紅 白豆蔻
藿香 木瓜 白芍 棗仁 炙甘草

益黃散

脾虛腹痛泄利 陳皮一兩 訶子肉煨 青
皮 炙甘草各五錢 丁香二錢 共爲末每
用二錢或三錢煎服 一名補脾散

瀉黃散

脾熱口瘡口臭 黑山梔錢半 藿香 甘草
各一錢 石膏八分 防風六分 共用蜜酒
拌微炒水煎 一名瀉脾散

附載仲景分別標本方藥

標 不渴脉浮 桂枝湯
濕勝濡泄 理中湯

本渴欲引飲
亡液燥渴
四逆湯
理中湯

寔有餘為濕
氣血
茯苓
乾姜
人參
陳皮
青皮
甘草

虛不足為燥
氣血
沙參
益智
麻仁
郁李仁
參
鹿

腹脹滿
虛
芍藥
厚朴

心腹痛
虛寒
人參
芍藥
大黃
黃芩

臍腹痛
白朮

少腹痛
男女
四物湯
加阿膠
茯苓
寒
小茴
延胡索

殮泄胃泄
承氣湯
白朮
調中湯

洞泄脾泄
建中湯
理中湯

寒中大腸泄
乾姜
附子

寒小腸泄
承氣湯

臟毒下血
有鮮血不可下
宜鮮化

脾病方
宜氣

瀉泄驚泄

天麻 吳萸 附子 乾姜

一法土鬱則奪之謂下之使無壅碍也

脾之積曰痞氣。經云在胃腕覆如盆大。久則令人四肢不收。黃疸。飲食不為肌膚。心痛徹背。背痛徹心。脉必浮大而長。宜痞氣丸增。皆由脾氣虛及氣鬱所致。治法宜健脾兼散結滯。

治痞氣方二

痞氣丸

痞氣 黃連八錢 厚朴五錢 吳萸三錢
黃芩 白朮各二錢 茵陳草 砂仁 乾姜
各錢半 茯苓 人參 澤瀉各一錢 川烏
川椒各五分 桂心 巴霜各四分 丸法
服法同息賁丸

增損五積丸

又黃連肝積五錢 脾積七錢 心積一兩
厚朴肝心脾積五錢 腎積八錢 川烏
肝肺積一錢 心腎脾積五分 乾姜肝心積五
分 肺脾腎積一錢半 人參肝心脾肺積二錢
腎積五分 茯苓錢半 巴霜五分 蜜丸梧
子大初服二九漸加以微瀉為度治積塊不拘

臍上下左右通用

肝積加柴胡一兩川椒四錢莪朮三錢皂角昆


布各二錢半心積加黃芩三錢肉桂茯苓神丹參各一錢茵陳

五分肺積加桔梗三錢天冬陳皮青皮白豆蔻各二

錢紫苑川椒各一錢半脾積加吳茱萸黃芩砂仁各二錢澤瀉茵陳各二

錢川椒五分腎積加元胡索三錢苦楝肉全蝎附子獨活各

一錢澤瀉茵陳各二錢肉桂三分丁香五分



嘔吐噦源流

沈金鰲撰

嘔吐噦。脾胃虛弱病也。以氣血之多少而分。東垣云。嘔屬陽明。其
腑多血多氣。氣血俱病。故有聲有物而為嘔。氣逆者散之。故以生
姜為主藥。吐屬太陽。其腑多血少氣。血病。故有物無聲而為吐。以
橘紅為主藥。噦屬少陽。其腑多氣少血。氣病。故有聲無物而為噦。
以半夏為主藥。是三者皆本於脾虛。或為寒氣所客。或為飲食所
傷。或為痰涎所聚。皆當分其經絡。察其虛實以治之。宜丁香半夏
藿香陳皮茯苓
冬生又有無物無聲者。曰惡心乾嘔。乃胃家氣血兩虛所致也。宜
紅湯入姜汁
蘇葉細辛雖潔古從三焦分治三因。然三焦皆胃之地分。故或
胃口有熱而乾嘔。宜梔子
竹茹湯或胃口有痰而乾嘔。宜二陳湯或乾嘔而手
足厥冷。總皆不離乎胃病者。是試進究之。邪在上脘之陽。必氣停
而水積。故湯水之清濁混亂。則為痰為飲。為涎為唾。變而為嘔。邪

在下。脘之陰。必血滯而食不消。故食物之清濁不分。則為噎塞。為痞滿。為痛。為脹。變而為吐。邪在中脘之氣交者。盡有二脘之病。然上脘非不吐食也。設陽中之陰亦病。則食入即吐。非若中脘之食已而吐下。脘之食久而吐耳。宜生姜下脘非不嘔也。設陰中之陽亦病。則吐嘔齊作。然嘔少于吐。非若上脘之嘔多于吐耳。脈沉無力。宜理中湯。脈滑而寔。宜半夏大黃湯下之。中脘則當食畢之時。亦嘔亦吐。謂之嘔吐。宜紅牛夏湯。則上中下脘三因。雖各有別。何嘗有外於胃乎。而尤所宜辨者。中脘之嘔吐。固均屬胃虛。而必分寒熱。其虛而挾寒者。喜熱惡冷。肢冷。脈必細而滑。宜理中湯。冷服。如服而仍吐。去甘草之壅。加丁香。沉立止。其虛而挾熱者。喜冷。惡熱。煩渴。小便赤澀。脈必洪而數。宜二陳湯。加山梔。黃連。竹茹。枇杷葉。葛根。姜汁。蘆根。其中脘素有痰積。遇寒即發者。脈必沉而滑。宜丁香。白蔻。砂仁。乾姜。陳皮。半夏。加姜汁。白芥汁。如痰滿胸喉。湯藥到口即吐。必先控其痰涎。宜來復丹。侯藥可至。盡許。

進然後治之。

宜二陳湯加枳實砂仁桔梗厚朴姜汁虛加人參

或素本中寒用熱藥太過。

亦至嘔逆。

宜二陳湯加此皆嘔吐噎之大槩也其所由正自多端

沉香白蔻仁此皆嘔吐噎之大槩也其所由正自多端

有由七情得者。

宜理中湯加烏藥木香沉香

有由陰虛火逆者。

宜姜汁炒熟地加枳橘黃柏沉

香導之

有由上焦氣壅而表寔者。

宜牛夏生薑

有由怒中飲食嘔吐胸

滿膈脹關格不通者。

宜二陳湯加木香青皮如不效加丁香沉香砂仁蔻仁厚朴藿香神曲姜棗

有由

氣滯者身熱臂痛食入則先嘔後瀉此上焦傷風開其腠理經氣

失道邪氣內着也。

宜麥冬湯

有食已暴吐脉浮而洪者此上焦火逆也。

氣降則火自消吐漸止。

宜桔枳湯加人參白芍

有下閉上嘔者亦因火在上

焦。

宜桔梗陳皮厚朴木香大黃以下之

有由下焦寔熱二便閉氣逆嘔吐者名曰走

哺。

宜人參湯有由脾胃久傷而虛者。

宜焦米神曲陳皮人參姜棗以和之

有惡心心下快

快欲吐不吐者多由胃虛。

宜牛夏陳皮茯苓白木生薑

有由客寒犯胃者。

宜理中湯

有由肝火出胃者。

宜左金丸

有由胃本經火盛者必面赤小便短赤或

瀉大便燥口苦或乾渴。宜大黃葛根枳實石膏麥冬竹茹木瓜蘆根陳皮通草枇杷葉有由病人

胃虛嘔吐者。宜比和飲薑香安胃散有由大病後胃熱虛煩而嘔者。宜竹葉

加姜汁。服即止有由痰飲嘔吐者。宜茯苓有由水停心下而嘔者。必心下

怔忡。若先渴後嘔。宜赤茯苓若先嘔後渴。宜猪苓散所當分別。總之胃寒

之脉沉遲微瀉胃火之脉浮大而數。痰膈之脉滑而兼數。可憑脉

辨之耳。若夫食已心下痛隱隱不可忍。吐出痛方止。症名食痺。吐

食由胃氣逆而不下也。亦有寒邪客於腸胃。厥逆上出者。亦有肝

勝於脾。風痰羈絆脾胃間。脉弦而吐食者。俱為食痺症。宜茯苓半夏

湯吐酸一症。皆由胃濕鬱而生熱。從木化而為酸味。法宜清之。宜

氣平胃散。若久而不化。必至木盛土衰。經云。木欲實。辛當平之。辛為肺

金之味。故辛可勝酸。金剋木也。辛則必熱。辛以制肝。是熱以扶胃

衰。若濁氣不降。但以寒藥投之。非其治矣。而或有宿食滯於胃脘

以致吐酸者。宜蒼朮陳甘或有停飲積於胸中以致吐酸者。宜蒼朮陳甘

苦水則由邪在胆胆上乘胃故逆而吐胆汁以致所嘔為苦水也。

宜吳萸黃連乾薑吐涎沫則以脾虛不能約束津液故涎沫自出。宜六君子湯加

散以半夏乾姜吐膿仲景云嘔家雖有瘕瘕不必治膿盡自愈。或用地黃

等分為末丸煎吐蚘則為胃中冷大凡蚘見苦則安見椒則伏見酸則不能

咬也另詳諸重條。宜理中湯加枳櫛然而嘔吐又有總治之法。宜

湯豈菴

脉法 仲景曰病人脉數數為熱當消穀引食而反吐者何也。

以過發其汗令陽氣微隔氣虛脉乃數數為客熱不能消穀胃

中虛冷故也 脉經曰寸口脉數其人即吐寸口脉細而數數

則為熱細則為寒數為嘔吐又陽脉緊陰脉數其人食已即吐

又寸緊尺濇其人胸滿不能食而吐。又脉緊而濇其病難治。又脉弦者虛也。胃氣無餘朝食暮吐。回春曰嘔吐無他寸緊滑數微數血虛。單浮胃薄。芤則有瘀。最忌濇弱。

嘔吐症治 仲景曰嘔家雖有陽明症。慎不可下。逆之故也。又曰嘔吐宜服薤白粥。丹溪曰劉河間謂嘔者火氣炎上。此特一端耳。有痰隔中焦食不得下者。有氣逆者。有寒氣鬱于胃口者。有食滯心肺之分。新食不得下而反出者。有胃中有火與痰而嘔者。醫鑑曰嘔家聖藥是生姜。千金之說信矣。然氣逆作嘔。生姜散之。痰水作嘔。半夏逐之。生姜於寒症最佳。若遇熱嘔。不可無烏梅也。

吐病有三 易老曰吐有三因。乃氣積寒也。皆從三焦論之上。焦吐皆從於氣。氣者天之陽也。其脉浮而洪。其症食已暴吐。渴

欲飲水。大便秘結。氣上冲胸而發痛。其治當降氣和中。中焦吐者。皆從于積。有陰有陽。食與氣相假爲積而痛。脉浮而弦。其症或先吐而後痛。或先痛而後吐。治法當以小毒藥去其積。木香枳榔和其氣。下焦吐者。皆從于寒。地道也。脉沉而遲。其症朝食暮吐。暮食朝吐。小便清利。大便秘閉而不通。治法當以毒藥去其閉塞。溫其寒氣。大便秘通。復以中焦藥和之。不令大府閉結而自安也。中焦去積宜紫沉丸。

嘔吐噦宜通大便秘。直指曰。陽明之氣下行則順。今逆而上行。謹不可泄。固也。然嘔吐者。每每大便秘結。上下壅遏。氣不流行。當思有以利導之。東垣曰。陰虛邪氣上逆。壅塞嘔噦。不足之症也。此地道不通。常用生地當歸桃仁紅花兼用甘草少加大黃芒硝以通其秘。大便秘。嘔吐噦自止矣。

嘔吐噦不治症。脉經曰。嘔吐脉弱。小便自利。身微熱而厥者。虛極難治。入門曰。凡吐如青菜汁者死。此是乍然嘔吐。非反胃比也。

傷食嘔吐導引。保生秘要曰。按寅卯辰時。空心披衣起床。正身直立。雙手用力拏兩肘膊。脚尖着地。腳跟雙懸。起倒力吞二九之數。醉飽勿行。恐傷臟腑。運動。保生秘要曰。先呼濁。次吸清。歸臍閉目。存心下丹田。半晌運臍自安然。

治嘔吐噦方二十七

橘紅湯。乾嘔。橘紅一味不拘多少煎服。

梔子竹茹湯。

胃熱加姜汁

山梔三錢

陳皮二錢

竹茹錢半

生姜橘皮湯。

厥冷蓋逐漸微溫解下

生姜八兩

橘皮四兩

水七盞煎三

生姜半夏湯 上脫吐 半夏 生姜各三錢 此即小半夏湯

理中湯 下脫吐 人參 白朮 甘草 生姜

二陳湯 挾熱 茯苓 陳皮 半夏 甘草

麥冬湯 氣喘 麥冬 蘆根 人參 竹茹 陳皮 白朮 茯苓 甘草 玉竹 生薑

桔枳湯 暴吐 枳殼 陳皮 厚朴 木香 或加大黃利之

左金丸 肝火 黃連 吳萸 等分 粥丸 白朮 陳皮 湯下

調氣平胃散 吐酸 木香 檀香 砂仁 藿仁 烏藥 厚朴 陳皮 各一錢 蒼朮 錢半 藿香 錢二

分 甘草五分

平胃散 又 蒼朮 厚朴 陳皮 甘草

五苓散 嘔清水 茯苓 猪苓 白朮 澤瀉 肉桂

六君子湯 涎沫 人參 白朮 茯苓 甘草 陳皮 吐膿

地黃丸

人參湯

白薑薤湯

比和飲

藿香安胃散

竹葉石膏湯

茯苓半夏湯

赤茯苓湯

猪苓散

薤白粥

神木丸

茯苓半夏湯

走補 人參 黃芩 玉竹 知母 蘆根
竹茹 白朮 陳皮 梔子 石膏
總治 白薤 藿香 半夏 陳皮 生薑

胃虛 人參 白朮 茯苓 神曲 藿香
陳皮 砂仁 甘草 陳米 先以順流水三
升泡伏龍肝末澄取一升半煎藥加姜枣稍冷
服日二三遂納而不吐另以陳米煎湯時啣
又橘皮五錢 人參 丁香 藿香各二錢
半末二錢加姜三片煎 胃熱

痰飲 赤苓 半夏 陳皮 蒼朮 厚朴

停水

又猪苓 赤苓 白朮 等分爲末每二錢
水調下 治嘔 薤白二莖 鷄子白三枚 粟米三合

吐清水

食痺 麥芽 茯苓 半夏 白朮 神曲
橘紅 天麻 姜

麥冬湯

紫沉丸

又麥冬 天麻 茯苓 白朮 半夏 神
 曲 陳皮 姜
 去積 陳皮 五錢 半夏 曲 代精石 烏梅
 肉 砂仁 各三錢 丁香 各一錢 薤仁 巴
 香 木香 杏仁 醋丸黍米大每五十丸 姜湯下
 霜 各五分 中 焦吐食由食積與寒氣相格吐而
 此丸能治 一法去白橘皮一個煨姜一塊煎湯
 疼痛者 下百丸日二服俟大便秘通不吐則止

1871

1872

1873

1874

噎塞反胃關格源流

沈金鰲撰

噎塞。脾虛病也。反胃。胃虛病也。經云。三陽結謂之隔。三陽者。大腸。小腸。膀胱也。結者。熱結也。小腸結則血脉燥。大腸結則後不便。膀胱結則津液涸。三陽俱結。前後秘澇。下既不通。必反而上行。所以噎食不下。卽下而復出。乃陽火上行而不下降。據此。則噎塞反胃二者。皆在膈間受病。故通名爲膈也。潔古分吐症爲三。云上焦吐者。皆從於氣。食則暴吐。此卽噎塞病也。中焦吐者。皆從於積。或先吐而痛。或先痛而吐。此病在中脘者。另詳嘔吐條內。下焦吐者。皆從于寒。朝食暮吐。暮食朝吐。此卽反胃病也。王太僕亦以噎塞爲食不得入。是有火屬熱。反胃爲食入反出。是無火屬寒。然其屬寒屬熱。不可盡拘。士材云。脉大有力。當作熱治。脉小無力。當作寒治。色黃而枯者。爲虛寒。色紅赤而澤者。爲寔熱。以色合脉。以脉合症。

庶乎無負。斯爲通論。蓋二症由于脾胃。均有寒熱。各異陰陽。或陰傷火旺。法宜養血。或脾傷陰盛。法當溫補。或健脾理痰。不得偏任辛燥。有妨津液。或滋陰養血。不得偏任清潤。有害中州。此臨症權衡之要也。茲試爲分列之。噎塞原于脾家氣血兩虛。而多半由血液枯乾。蓋人臟腑之津液。流行灌溉百脉。皆賴脾胃運行。稍不運行。卽津液壅滯。而陰血不榮。故患噎塞。推其原。或起憂鬱。至氣結胸中。而生痰。痰久成塊。膠於上焦道路。窄狹。飲可下。食難入。病之初起。有如此者。宜香砂又或有脾氣虧敗。血液俱耗。胃脘乾枯。小便閉。大便如羊糞。隧道澇而成病。宜參用補氣健脾丸滋血潤腸丸此皆病之所由來也。至有由火熱之氣冲逆者。宜酌用四生丸脉必數大。有由痰飲阻滯者。脉必結澇。宜先用來復丹控其痰再用大半夏湯加茯苓枳殼竹瀝等有由七情鬱結者。脉必沉澇。宜香砂有由瘀血積滯。陽無陰不能施化。陰失位。陽伏

其中傳化不變。反行上者。脉必乳瀼。宜滋血有因噎而聲不出者。

宜竹茹五有挾寒者。脉必沉遲。宜加用有挾熱者。脉必洪數。宜黃

味生姜通有飲食纔下。痰涎聚住不得入。或雖入而涎沫隨出者。二症皆

來復丹控去痰涎再用大半夏湯加茯苓枳壳竹瀝皂角枯凡以姜汁爲丸有大便燥結。糞如栗塊者。

利隔九惟噎而白沫大出。糞如羊屎爲不治之症。總之因氣從氣

治。因血從血治。因痰導之。因火壯水制之。不可專投辛香燥熱之

品。以火濟火。至津液愈耗。大便愈結。甚而幽門不通。上冲吸門。便

不可救矣。惟有一種胃陽火衰。不能運化者。可暫以辛溫開其結。

滯。繼仍以益陰養胃爲主。又有一等酒徒。日日狂飲。以致酒發熱。

熱生痰。痰因火煎。膠結不開。阻塞道路。水飲下咽。亦覺痛瀉。此便

不得如液。槁津枯之病。投以當歸地黃濡潤之品。恐血未必潤。反

助痰而難愈也。其餘無論血液耗。胃脘枯。遂道閉。津液結爲痰。臟

腑不得津液之潤而成噎症者。治法始終以養血潤燥為主。而辛香燥熱之品。槩勿輕下。且噎必兼寒。東垣云。堵塞咽喉。陽氣不得上出者。名曰塞。五藏之所生陰也。血也。陰氣不得下降者。名曰噎。六府之所生陽也。氣也。夫咽塞于胸膈之間。令諸經不行。口開目瞪。氣悶欲絕。當先用辛甘氣味升陽之品。宜人參黃芪升麻柴胡當歸益智仁草薤菖引胃氣以治其本。加通塞之藥以治其標。宜木香麥芽青皮陳皮寒月盛陰。當瀉陰寒之氣。宜乾姜吳萸暑月盛陽。當散寒氣泄陰火之上逆。宜益智仁

川柏青皮陳皮冬三月陽氣內藏。外助陽氣不得發汗。內消陰火。勿令洩

瀉。此閉藏固密之大要也。宜吳萸湯夏三月陽氣在外。陰氣在內。噎病

值此時。天助正氣而挫其邪氣。不治自愈。或不愈者。陰氣太盛。正

氣不伸耳。宜以四君子湯送利膈丸凡飲食入胃。便吐涎沫如鷄子白。蓋脾主

涎。脾虛不能約束津液。故涎沫自出。非參朮益智不能攝也。有梅

核。膈。者。喉。中。如。有。物。膈。間。痛。死。血。居。多。宜昆布當歸桃仁莖汁童便甚加大黃亦或

因痰結。宜瀉痰丸醫鑑謂或結於咽喉。時覺有所妨碍。吐之不出。嚥之

不下。由氣鬱痰結而然者。正指此也。然此症總屬有形之物。故非

血。卽痰。若氣。則無形。其非梅核。膈。可知矣。反胃。原于真火衰微。胃

寒。脾。弱。不。能。納。穀。故。早。食。晚。吐。晚。食。早。吐。日。日。如。此。以。飲。食。入。胃。

既抵胃之下脘。復返而出也。宜理中湯甚加附子若脉數。爲邪熱不殺穀。乃

火性上炎。多升少降也。宜異功散加連沉歸地若口吐白沫。糞如羊屎。則危。

必須養氣扶陽。滋血益陰。則肺無畏火。腎漸生水。津液自能榮潤

腸胃。而上亦能納下。亦能通矣。如咽喉閉。胸膈滿。暫宜開疏結滯。

然亦忌破氣過多。中氣至不能運。宜異功散加香砂枳朴痰涎壅滿胸膈。急

先控之。宜來復丹然後從中治之。宜瀉痰丸亦有瘀血阻滯者。宜代抵當湯作丸如芥子

大每三錢去枕仰卧細咽之亦有重聚而反出者。宜牽牛丸亦有火衰不能生土。其

脉沉遲者

宜入味九加沉香砂仁

李絳治反胃久閉不通。攻補兼施。每用小

青龍丸漸次加之。關局自透。再用人參利膈丸。然或服通劑過多。

血液耗竭。轉加閉結。宜另治之。

宜猪脂丸

此外又有翻胃。或痰或熱。壅

阻膈間。故食入即翻而出。非如反胃之早食必晚吐。晚食必早吐

也。宜清熱二陳湯

脉法

脉經曰。趺陽脉浮而濇。浮則爲虛。濇則傷脾。脾傷則不

磨食。朝食暮吐。暮食朝吐。完穀不化。名曰胃反。

醫鑑曰。噎膈

反胃。脉浮緩者生。沉濇者死。沉濇而小。血不足。脉大而弱。氣不

足。入門曰。大小腸膀胱三陽結熱。脉必洪數有力。

噎膈反胃症治

丹溪曰。血液俱耗。胃脘乾槁。其槁在上。近咽

之下。水飲可行。食物難入。間或可入。入亦不多。名之曰噎。其槁

在下。與胃相近。食雖可入。難盡入胃。良久復出。名之曰膈。亦曰

反胃。大便秘少。若羊屎然。名雖不同。病出一體。其槁在賁門。食入則胃脘當心而痛。須臾吐出。食出痛乃止。此上焦之噎膈也。或食物可下。難盡入胃。良久復出。其槁在幽門。此中焦之噎膈也。也。其或朝食暮吐。暮食朝吐。其槁在闕門。此下焦之噎膈也。又曰。張鷟峯云。噎常是神思間病。惟內觀有養。可以治之。此言深中病情。醫林曰。噎膈之症。不屬虛。不屬寔。不屬冷。不屬熱。乃神氣中一點病耳。綱目曰。噎病皆生于血枯。血枯則燥矣。得病情。合經旨者。丹溪一人而已。醫鑑曰。噎膈俱有五。五膈者。憂恚寒食氣也。在心脾之間。上下不通。或結咽喉。時覺有所妨碍。吐不出。燕不下。五噎者。憂食勞氣思也。飲食卒然阻滯而不下。丹溪又曰。胃脘乾枯。古方用人參以補肺。御米以解毒。竹瀝以消痰。乾姜以養血。粟米以寔胃。蜜以潤燥。姜以去穢。正是

此意又曰。噎膈反胃藥。必和以童便。竹瀝。姜汁。韭汁。多飲牛羊乳爲上策。但不可用人乳。以有七情烹飪之火也。切不可用香炒藥。宜薄滋味。飲酒人加砂糖。驢屎入內服。以防生虫。鰲按噎塞反胃病。雖服藥痊愈。一年內。切禁房慾。若犯之。必復發舊症而死。此所屢見者。非虛言也。

噎膈反胃宜通大便。丹溪曰。嘔吐而大小便不秘。利藥所當忌也。若大小腸膀胱熱結不通。上爲嘔吐膈食。若不用利藥。開通發洩。則嘔吐何由止乎。古人用三一承氣湯。正是此意。

噎塞反胃不治症。丹溪曰。噎膈反胃。年高者不治。下如羊屎者不治。不淡飲食。不斷房室者不治。氣血俱虛者。則口中多出沫。但見沫多出者。必死。鰲按反胃病。但吐白沫。猶可治也。若吐黃沫。必不可治矣。

噎膈導引 保生秘要曰行功宜帶飢以雙手懸梁將身下墜微納氣數口使氣冲膈盈滿兩腳踏步二九一度之數膈隔氣逆胃口虛弱不藥而愈。

運功 保生秘要曰此症始行調息而坐按週天計籌咽神水一斤意墜丹田次守艮背幹運絡胸或按或散坐卧可行有動有靜百日成功。

關格卽內經三焦約病也約者不行之謂謂三焦之氣不得通行也惟三焦之氣不行故上而吐逆曰格下而不得大小便曰關其所以然者由寒氣遏絕胸中水漿不得入格因以成熱氣閉結丹田二便不得出關因以成也若但爲寒遏而吐逆病止曰格以下不爲熱秘也但爲熱秘而無便病止曰關以上不爲寒遏也若寒既在上熱又在下病則曰關格以上下俱病也此症危急法難緩

治宜先投辛香通竅下降之藥以治其上。宜沉香丁香藿蘓合香

皮次用苦寒利氣下泄之藥以通二便。宜大黃黃柏知母牛膝木通滑石車前子蓋症

既危急縱有裏虛亦須通後再補也而潔古雲岐士材輩則又單

以不得小便爲關夫不得小便且爲關大小便俱不得非關病之

尤甚者乎。宜調中益氣湯加宜丹溪兢兢于此而以爲此症多死

也。然而古人竟用盪滌下行之法誠爲盡善。宜芒硝湯其或元氣

素虛當于補益中以升降之。宜調中益氣湯加枳榔其有痰涎壅塞者又當

于滲利中開散之。宜枳縮二陳湯此皆當細察而酌治之者也。

脉法 內經曰人迎脉大于氣口四倍名曰格氣口脉大于人

迎四倍名曰關又曰關格宜吐瀉

關格原由 靈樞曰邪在六腑則陽脉不和陽脉不和則氣留

之而陽脉盛矣邪在五臟則陰脉不和陰脉不和則血留之而

陰脉盛矣。陰氣太盛。則陽氣不得相營。故曰格。陽氣太盛。則陰氣不得相營。故曰關。陰陽俱盛。不得相營。故曰關格。關格者。不得盡其命而死矣。

治噎塞反胃方二十二

香砂寬中丸

初起砂仁 木香 白朮 香附 陳皮 薤仁
甘草 青皮 枳實 茯苓 半夏 厚朴

補氣運脾丸

脾虛砂仁 人參 白朮 茯苓 橘紅 黃芪
血枯 當歸 白芍 姜 棗

滋血潤腸丸

枳殼 大黃 沖韭汁 生地 紅花 桃仁

四生丸

火逆 大黃 黑丑 皂角各一兩 芒硝五錢 每服二三十九

來復丹

痰飲 硝石 礞石 黃各一兩 為末 同入磁器內 微火炒 柳條攪 火盛恐傷藥力 再研極細 名曰

二氣末再用 水飛元精石一兩 五靈脂去砂 青皮去白 陳皮去白各二兩 醋糊丸

豉豆大每三十丸 空心米飲下 此又名養正丹 又名黑錫丹 又名二和丹

大半夏湯

痰瀉 半夏 人參 白蜜

開關利膈丸

栗糞 人參 大黃 當歸 枳壳 木香

吳萸湯

閉藏 吳萸 陳皮 人參 草薢 升麻
黃芪 姜黃 姜蚕 當歸 澤瀉 甘草
木香 青皮 半夏 麥芽

四君子湯

陰盛 人參 茯苓 白朮 炙草

利膈丸

又 木香 枳殼 各七錢半 大黃 厚朴 各
二兩 人參 當歸 藿香 甘草 枳實 各
一兩 水丸

理中湯

反胃 人參 白朮 甘草 生姜

異功散

火熱 人參 茯苓 白朮 甘草 陳皮

滌痰丸

痰壅 南星 半夏 枳壳 橘紅 菖蒲
人參 茯苓 竹茹 甘草

代抵當湯

瘀血

牽牛丸

重聚 牽牛 大黃 枳殼 雄黃

八味丸

火衰 熟地 山藥 山萸 丹皮 茯苓
澤瀉 附子 肉桂

猪脂丸

血耗 杏仁 松仁 白蜜 橘餅各四兩
猪油熬淨一杯 全鷄時時食之

小青龍丸

人參利膈丸

總治 木香 枳實 各七錢 人參 當歸
藿香 甘草 枳實 各一兩 大黃 厚朴 各
二兩 砂仁 五錢

清熱二陳湯


翻胃 半夏 陳皮 赤苓 甘草 人參
白朮 砂仁 竹茹 山梔 麥冬 各一錢
姜三片 棗二枚 烏梅 一个

和中桔梗湯

又 半夏 曲 二錢 桔梗 白朮 各錢半 陳
皮 厚朴 枳實 赤苓 各一錢 姜三片
水煎取清調木香 茯苓 末各一錢 空心服三服
後吐漸止 又除木香 茯苓 末再加白芍 二錢 黃
芪 錢半 煎服

三一承氣湯

洩利



泄瀉源流

沈金鰲撰

泄瀉脾病也。脾受濕不能滲泄。致傷關門元氣。不能分別水穀。併入大腸而成瀉。故口渴腸鳴腹痛。小便赤澀。大便反快。是泄固由於濕矣。然經曰。春傷於風。夏生飧泄。泄不有由於風者乎。又曰。暴注下迫。皆屬於熱。泄不有由於熱者乎。又曰。諸病水液澄澈清冷。皆屬於寒。泄不有由於寒者乎。又曰。清氣在下。則生飧泄。泄不有由于虛陷者乎。惟曰。濕盛則飧泄。乃獨由於濕耳。不知風寒熱虛。雖皆能爲病。苟脾強無濕。四者均不得而干之。何自成泄。是泄雖有風寒熱虛之不同。要末有不原於濕者也。故爲列論之。其濕兼風者。飧泄也。肝受風邪。煽而賊土。至夏濕氣蒸鬱。故脉弦腹鳴。下利清穀。宜平胃散加羌獨升柴其濕兼熱者。下腸垢也。腸胃有熱。傳化失常。而火性急速。熏動濕邪。故脉數澀赤澀。所下皆稠粘垢穢。宜六一散或胃

苓湯加其濕兼寒者。鴨漉也。濕爲水氣。又感寒邪。則寒水之氣合

從而化。故脉沉遲。溲清白。所下澄澈清冷如鴨屎。

宜附子理中湯加肉果或以二

木陳皮乾姜吳萸砂仁紫蘇主之。挾風者亦可參用。

但寒泄必早暮服藥。蓋早服煖藥。至暮

藥力已盡。無以敵一宿陰氣。故不效。故夜必再服。其濕兼虛者。虛

泄也。人之清氣本上升。虛則陷下。又爲濕所侵遏。濕勝氣脫。故脉

細而濡。困倦少力。遇飲食卽瀉。或腹不痛。所下不禁。多完穀不化。

宜四君子湯加升柴升陽除濕湯。

惟濡泄一症。又名洞泄。乃爲濕自甚。卽脾虛泄

也。由土虛不能制濕。腸胃不固。濕反勝而成病。故脉遲而緩。小便

不利。身重。腹不痛。腸鳴漉漉。所下多水。

宜四苓湯加二木。胃苓湯加草薢。

士材云。

水液去多。甚而轉筋。血傷筋急也。據此。又濡泄之變症。

宜升陽以除濕湯。

上內經所言諸泄。可得而審者也。難經又有五泄。是與內經之症

約畧相似。蓋曰胃泄者。飲食不化。色黃。卽風乘濕也。

宜胃風湯。曰脾泄。

者。腹脹滿。肢體重着。中脘有妨。面色萎黃。泄注。食即嘔逆。即暑乘

濕也。宜香茹湯對桂苓甘露飲大加生姜治之曰大腸泄者。食已窘迫。大便色白。腸鳴

切痛。即燥乘濕也。宜五苓散曰小腸泄者。漉而便膿血。小腹痛。即火乘

濕也。宜承氣湯下之。再以黃連解毒湯加歸芍治之。次以芍藥柏皮丸止之曰大瘕泄者。裏急後重。

數至圊而不能便。莖中痛。即寒濕而變為熱泄也。宜八正散加木香枳榔通之。次

以天水散是難經所言。雖定屬六氣。而其以濕為主。不與內經相

合乎。此外又有風泄。惡風自汗。或帶清血。由春傷風。夏感濕。故其

瀉暴。宜胃風湯或瀉而風邪內縮。必汗之。宜桂枝麻黃湯又有食泄。脉弦緊。腹

痛則泄。泄後痛減。宜治中湯酌加木香砂仁枳壳白朮山查麥芽穀芽陳皮等味仍燒所傷之物服又有

痰泄。脉滑類弦。漉少而赤。肺悶食減。久而神痺。此積濕成痰。留於

肺中。故大腸不固也。宜二陳湯加浮石青黛黃芩神曲姜汁竹瀝等味或用吳萸湯溫服碗許探吐痰涎泄自

兩日。又有水泄。腸鳴如雷。一泄如注。皆是水。宜石膏補骨脂乾姜草烏等或車前子湯

內愈。

又有火泄。即熱泄。脉數寔。腹痛腸鳴。口乾喜冷煩渴。小便赤澀。後

重如滯。瀉水。痛一陣。瀉一陣。瀉後尚覺澀滯。仲景謂之協熱自利。

是也。宜黃芩芍藥湯。又有暑泄。因受暑邪。煩渴尿赤。自汗面垢。暴瀉如水。

宜茹苓湯。桂苓甘露飲。或以生姜炒黃連為君。葛根升麻佐之。若暑邪留伏于中。以致久而成泄。

其病更甚。宜王龍丸。若盛暑傷于外。陰冷傷其中。則為內外受迫。宜連

又有傷酒泄。素嗜酒而有積。或一時酒醉而成病。其症骨立不能

食。但飲一二杯。經年不愈。宜葛花解酲湯。又有滑泄。其泄不禁。瀉久不止。

大孔如竹筒。日夜無度。宜固腸丸。其或滑由氣虛陷下者。宜補中益氣湯。或大

腸滑泄而小便精出者。宜萬全丸。皆不可忽。又有殭泄。久食日殭。食之

難化者。尤重于久。故此之殭泄。專主夕食不化而泄。言之與前所

列諸殭泄不同。蓋此症惟奪其食。則一日可止。再以藥滋養元氣。

宜八仙糕。又有腎泄。即五更泄。一名晨泄。又名瀼泄。固由於腎虛失守。

藏之職。

宜補骨脂五味子山萸肉桂茴香山藥茯苓等每日清晨用大栗十枚煮食神效。

而亦有由於食

者。

宜香砂枳朮丸。

有由於酒者。

宜葛花解酲湯。

有由於寒者。

宜理中湯夜飯前服。

又有脾腎

泄由二經並虛朝泄暮已久而神瘁肉削。

宜四神丸。

又有暴泄太陽傳

太陰大腸不能固禁卒然而下大便如水其中有小結糞硬物欲

起又下欲了不了小便多清或身冷自汗氣難布息脉微嘔吐此

寒也急以重藥溫之。

宜漿水散。

又有久泄厥陰經動下利不止脉沉遲

手足厥逆涕唾膿血此症不易治大法以為風邪縮于內宜汗之

是也。

宜桂枝麻黃湯。

亦有由真陰虛損元氣下陷而成者若非滋其本原

則必胸痞腹脹小便淋瀝多致不救。

宜四神丸補中益氣湯。

凡泄瀉之病止

於此矣而治法亦靡有遺者士材九種治泄之法亦當參看蓋升

提淡滲清涼疏利甘緩酸收燥脾溫腎固澇皆治泄者所不能外

惟在酌其輕重緩急以用之耳總之此症不論新久皆太陰受病

不可離白朮白芍甘草。若四時下利者。于前三藥外。春加防風。夏加黃芩。秋加厚朴。冬加附桂。又必詳外症寒熱。如手足逆冷。自汗氣微。雖暑亦可量投姜桂。如燥渴煩熱。悶亂脉寔。雖冬亦可酌用硝黃。此又當權衡于臨時者也。若老人諸泄。則又不得拘滲洩分利之法。以人生五十後。升氣少。降氣多。滲洩分利。是降而益降。益其陰而重竭其陽也。必用升提陽氣之品。宜升麻柴胡獨活防風甘草佐以白朮附子補脂所謂濕寒之勝。以風平之。又曰。下者舉之。是也。至如飯後即便。乃脾腎交虛之故耳。蓋人惟脾與腎相濟。所以有水穀之分。若脾雖強盛。能食而腎氣不足。真火不能上行。為胃腐熟水穀。故飲食下咽。不能消化。留滯大府。因成殭泄。治之者。惟使脾腎之氣交通。宜二神丸空心監湯送下。則水穀自然剋化。而此患除。

脉法

靈樞曰。病泄脉洪而大者為逆。

素問曰。泄而脫血脉

寔者難治。正傳曰：泄瀉脉緩，時小結者生，浮大數者死。醫鑑曰：泄瀉脉多沉，傷風則浮，傷寒則沉細，傷暑則沉微，傷濕則沉緩。回春曰：瀉脉多沉，沉遲寒，促沉數火熱，沉虛滑脫，暑濕緩弱，多在夏月。

泄瀉症治。經曰：犯賊風虛邪者，陽受之，食飲不節，起居不時者，陰受之。陽受人六府，陰受人五藏。入府則身熱，不時臥，上爲喁吁；入藏則填滿閉塞，下爲殭泄，久爲腸澼。又曰：大風入中，則爲腸風殭泄。又曰：倉廩不藏者，是門戶不要也。仲景曰：大腸有寒，則多鶩溇；有熱，則便腸垢。入門曰：腸垢言濕熱滯于腸中，故亦曰滯下。又曰：凡泄皆兼濕，初宜分利，中焦滲利，下焦久則升舉，必滑脫不禁，然後用澀藥止之。又曰：治泄補虛不可純用甘溫，甘則生濕，清熱亦不可用太苦，苦則傷脾，惟淡滲利竅。

爲妙。濟生曰：治瀉之法，先當分利水穀。車前子煎湯調五苓散，次則理正中焦，理中湯治中湯治之，二湯不效，然後方可斷下。用固腸丸、石脂餘糧丸。正傳曰：治瀉諸藥，多作九子服之。原病曰：泄症，凡穀肉消化，不論色及他症，便斷爲熱，夫寒泄而穀肉消化者，未之有也。或火性急速，傳化失常，完穀不化，而爲殭泄者，間亦有之。仲景謂邪熱不殺穀，然熱得濕，則爲殭泄也。醫鑑曰：暴瀉非陽久瀉非陰，通治用三白湯及燥濕湯、辰砂益元散。

泄瀉宜升陽。東垣曰：暑月淋雨，人多泄瀉，乃濕多成五泄也。經云：在下者引而竭之。又曰：治濕不利小便，非其治也。法當以淡滲之劑利之。然客邪寒濕之勝，自外入裏而甚暴，若用利小便藥，則是降之又降，復益其陰而重竭其陽也。茲以升陽之藥。

是爲宜耳。羌活獨活升麻各一錢半。防風炙甘草各一錢。煎服即愈也。

瀉與痢不同。丹溪曰。泄瀉之症。水穀或化或不化。並無努責。惟覺困倦。若痢不然。或膿或血。或膿血相雜。或腸垢。或無糟粕。或糟粕相雜。雖有痛不痛之殊。而皆裏急後重。逼迫慄慄。赤白交下爲異。

久泄成痢。集畧曰。太陰受濕而爲水泄。虛滑身重微滿。不知穀味。久則傳變而爲膿爲血。是脾傳腎。謂之賊邪。故難愈。若先痢後泄。是腎傳脾。謂之微邪。故易愈。靈樞曰。腹鳴而滿。四肢清而泄。脉大是逆也。不過十五日死。又曰。腹大而脹。四末清脫。形泄甚。是逆也。不及一時死。脉經曰。瀉泄脉大。手足冷。難已。脉小。手足溫。易已。

便色。靈樞曰：腸中寒，則腸鳴飧泄。熱則出黃如糜。東垣曰：瀉白為寒，青黃紅赤色皆熱也。或以青為寒者，誤也。傷寒少陰病下利，純青水者，熱在裏也。利色紅者為熱，心火之色。或赤者，熱之甚也。色黑，火熱亢極，反兼水化也。入門曰：濕多成五泄，如水傾下也。

治泄瀉方三十五

平胃散

風泄 蒼朮 厚朴 陳皮 甘草

六一散

熱泄 滑石 甘草

胃苓湯

又 蒼朮 厚朴 陳皮 甘草 白朮 茯苓 澤瀉 附子 肉桂

附子理中湯

寒泄 附子 人參 白朮 甘草 乾姜

四君子湯

虛泄 人參 茯苓 白朮 炙甘草

四苓湯

濡泄 茯苓 白朮 猪苓 澤瀉

升陽除濕湯

又蒼朮 柴胡 防風 羌活 神曲 陳皮 猪苓 澤瀉 麥芽 升麻 炙甘草

胃風湯

胃泄 肉桂 人參 白朮 茯苓 當歸 白芍

香茹湯

脾泄 香茹 厚朴 黃連 扁豆子

桂苓甘露飲

暑泄 滑石二兩 赤苓 澤瀉 石膏 寒水石 甘草各一兩 白朮 肉桂 猪苓各五錢 每末一錢加薑湯下

漿水散

暴泄 半夏二兩 炮姜 肉桂 附子 甘草各五錢 良姜二錢半 每末五錢煎服

大承氣湯

小腸泄 大黃 芒硝 厚朴 枳實 去芒硝即小承氣湯

黃連解毒湯

又黃連 黃柏 黃芩 山梔

芍藥柏皮湯

又黃連 黃柏 當歸 白芍

八正散

大瘕泄 瞿麥 扁蓄 木通 山梔 車前子 大黃 滑石 甘草 燈心

治中湯

食泄 人參 白朮 甘草 生薑 陳皮

二陳湯

痰泄 茯苓 甘草 半夏 陳皮

吳茱萸湯

又 吳茱萸 生姜 人參 大棗

車前子湯

水泄 厚朴 澤瀉 車前子

黃芩芍藥湯

火泄 黃芩 芍藥 甘草

玉龍丸

暑泄 硫黃 硝石 消石 明礬

連理丸

又 人參 白朮 甘草 乾姜 黃連 茯苓

茹苓湯

又 澤瀉二錢二分 猪苓 赤苓 白朮 扁豆子 姜黃連 香菇 厚朴各一錢 甘草三分

八仙糕

兩 殘泄 枳實 白朮 山藥各四兩 查肉三兩 茯苓 陳皮 蓮肉各二兩 人參一兩 梗米五升 糯米一升半 共為末蜜三斤

萬全丸

和蒸作糕焙乾 醋糊丸 赤石脂 炮姜各一兩 胡椒五錢 久泄 醋糊丸 空心米飲下五七丸

補中益氣湯

葛花解酲湯

酒泄 葛花 青皮 木香 橘紅 人參 茯苓 猪苓 神曲 澤瀉 白朮 乾姜

香砂枳朮丸 腎泄 木香 砂仁 枳殼 白朮

四神丸 脾腎泄 肉果 補骨脂 吳萸 五味子

石脂餘糧丸 斷下

固腸丸 滑泄 龍骨 附子 訶子 枯凡 丁香

三白湯 石脂 良姜 薏仁 砂仁 木香 糊丸
通治 白朮 白芍 茯苓 炙草 此為治

燥濕湯 瀉要 藥 又 白朮 白芍 茯苓 陳皮 炙草 此

二神丸 即三白湯加陳皮一味也 飯後便 補骨脂四兩 肉荳蔻生二兩 共

為末肥棗四十九个生薑四兩切片同棗煮去
姜棗肉丸空心鹽湯下三五十九 一方肉蔻
煨熟

